

Er geschwind nach dem Grund/ wie ein Hecht/ oder Frosch/ kriecht dem Grund nach/ offte 100. Schritt weit/ frist tapffer in die Fische/ welche er vor sich her jagt/ dann schießt er geschwind in die Höhe/ steckt die Schnauzen auß dem Wasser/ vnnnd holet mit grossem Prauschen Athem/ daß mans zimlich weit hören kan/ darüber er auch offte von Fischern oder Jägern gestochen vnnnd zu todt geschlagen wirdt/ halt sich des Winters/ am meisten auff/ vmb die schnell lauffenden Wasser/ vnnnd Däche/ die in der Witten selten zugefrieren/ kriecht zu Nacht/ surnemblich im Sommer/ den grossen Seen nach/ von einem zu dem anderen/ auff ein Meyl oder anderhalbe/ wirdt deswegen offte/ auff seiner Reysß des Morgens/ von den Acherleuthen ertappet/ vnnnd gedödtet/ ist wol zu fangen/ hat kurze Bein/ vornen hat er Hundts Füße/ vnnnd hinten Gans Füße/ kan nicht sehr lauffen.

### Von dem Biber.

Fiber, *κασωγ*, Biber/ Frantzösisch Bieure, Castor, Ital. Castoreo *Nid* r<sup>o</sup> ländisch een Becuer Fiber à Fibris id est extremis oris amnium, *c* uas colit, & vbi maximè solet videri, daß sie ihre Wohnungen/ zu küßerst an den Borden vnnnd Ufern der Flüßen vnd Wasserren haben/ also geheissen.

Pliu. Secund. part. 2. die Biber/ so in der Insel Ponto seyndt/ solten ihnen/ wie etlich sagen/ selbst außwerffen/ wann sie von den Jägern beängstiget werde/ daß sie wissen/ daß man ihnen ihrer Gemächte halber/ surnemblich nachstellet/ welche von den Arzten/ Bibergeilen geheissen werden. Sie haben ein grausam gut Gebiß/ daß sie damit grosse Bäume/ an den Wasserren fellen könden/ als ob man sie/ mit einer scharpfen Art abgehawen hätte.

Georg. Agricola: die Biber hawen ganze Bäume ab/ mit den Zähnen/ vnnnd so dieselben gefelle/ brauchen sie nur die Rinden davon/ zu der Speiß/ da sie aber einen Baum schier durch gehawen/ sehen sie zu einem jeden Streich vbersich/ wohin er wancken wölle/ damit sie seinen Fahl bey Zeiten entweichen können.

Olaus mag. vnnnd Albertus schreiben/ daß wann die Biber/ ihnen